



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CLVIII. Prohibitio recipiendi in Provincia Italiæ Ordinis Fratrum SS. Trinitatis
Redemptionis Captivorum Religiosos cujusvis Ordinis transitum
requirentes, sub pœna excommunicationis, & privationis ...

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

1735.
Dat. die 14.
Maii 1735.
An. V.

Datum Romæ apud S. Mariam Majorem sub annulo Piscatoris die XIV. Maii MDCCXXXV. Pontificatus nostri anno V.
F. Card. Oliverius.

CLVII.

Indulgentiæ docentibus, & pueris discantibus Doctrinam Christianam in Urbe ac universa Italia, insulisque adjacentibus extenduntur ad Adultos, qui Catechismo hujusmodi intererint.

CLEMENS PP. XII.

Ad perpetuam rei memoriam.

Exordium.

Cælestium munerum Thesaurus dispensationi nostræ a Domino creditus cum ad Catholicæ Religionis incrementum, & animarum salutem profuturos speramus libenter elargimur.

Extensio de
quam Rubrica.

§. 1. Cum itaque ab ipso Apostolici Regimini nostri primordio ad uberes fructus, ac spirituales fidelium ædificationem, qui ex assiduo usu, & explicatione Catechismi, sive Doctrinæ Christianæ provenire noscebantur paternæ dirigentes considerationis nostræ intuitum, diversas Ordinationes a nonnullis Romanis Pontificibus Prædecessoribus nostris ad promovendum hoc pium, fidelique populo imprimis necessarium opus, quo ille nimirum fidei Catholicæ rudimentis ac misteriis, omnibusque Christianis virtutibus instruitur, salubriter editas, per edictum die 15. Novembr. 1730. jussu nostro promulgatum confirmaverimus, ac etiam ampliaverimus, nunc nos Christiane tam almæ Urbis nostræ, quam Universæ Italiæ, ac Insularum adjacentium pro tempore existentes, ut operi hujusmodi ferventius incumbant, novis spiritualium gratiarum muneribus, excitare volentes, omnes, & singulas indulgentias, & peccatorum remissiones, ac penitentiarum relaxationes, quæ a quibusvis Romanis Pontificibus Prædecessoribus nostris præfatum Catechismum, seu Doctrinam Christianam juxta decreta Concilii Tridentini in Ecclesiis aut Oratoriis Pueros docentibus, aut eidem dum edocetur intervenientibus hæcenus concessa reperiuntur ad Adultos Urbis Italiæ, & Insularum prædictarum ipsi Catechismo, seu Doctrinæ Christianæ interessentes harum serie Apostolica auctoritate extendimus, & ampliamus.

Explicatio
hujusmodi
Indulgentiarum.

§. 2. Præterea de Omnipotentis Dei Misericordia, ac Beatorum Petri, & Pauli Apostolorum ejus auctoritate confisi eisdem Adultis, qui vere penitentes, & confessi, ac sacra Communionem refecti ejusmodi pio exercitio devote intervernerint qua vice id egerint, septem annos, & totidem quadragenas de injunctis eis, seu alias quomodolibet debitis penitentiis in forma Ecclesiæ consueta relaxamus; qui vero illud assidue frequentaverint, eundem Catechismum, doctrinamve Christianam docentes, vel addicentes ac vere similiter penitentes, & confessi, Sacraque Communionem refecti pro Christianorum Principum concordia, hæresum extirpatione, ac Sanctæ Matris Ecclesiæ exaltatione pias ad Deum preces effuderint, in Nativitatis Domini nostri Jesu Christi, Paschatis Resurrectionis Dominicæ, necnon Sanctorum Petri, & Pauli Apostolorum festis diebus plenariam omnium peccatorum suorum indulgentiam, & remissionem misericorditer in Domino concedimus. Præsentibus perpetuis futuris temporibus valituris.

Obstantium
derogatio.

§. 3. Non obstantibus Constitutionibus, & Ordinationibus Apostolicis, ceterisque contrariis quibuscumque.

§. 4. Volumus autem, ut ipsarum præsentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in dignitate Ecclesiastica constitutæ munitis eadem prorsus fides adhibeatur, quæ ipsis præsentibus adhiberetur, si forent exhibitæ, vel ostensæ.

Datum Romæ apud Sanctam Mariam Majorem sub annulo Piscatoris die 27. Junii 1735. Pontificatus nostri anno V.

F. Card. Oliverius.

1735.
Fides transumptorum.

Dat. die 27.
Junii 1735.
An. V.

Prohibitio recipiendi in Provincia Italiæ Ordinis Fratrum SS. Trinitatis Redemptionis Captivorum Religiosos cujusvis Ordinis transitum requirentes, sub pena excommunicationis, & privationis vocis activæ, & passivæ tam contra recipientes, quam receptos ipso facto incurren.

CLVIII.

CLEMENS PP. XII.

Ad perpetuam rei memoriam.

Sollicitudo pastoralis officii, quo Catholica Ecclesia regimini divina dispositione præfitemur nos urget atque impellit, ut paternam Religiosorum Ordinum Altissimi obsequiis mancipatorum, uberesque bonorum operum fructus aspirante superni favoris auxilio proferre jugiter satagentium curam gerentes, ea, quæ Ordinibus ipsis noxia esse noscuntur annuere, & illorum professores in salutari viæ norma, quam amplexi sunt, conservare studeamus.

Procemium.

§. 1. Exponi siquidem nobis nuper fecit dilectus filius Josephus Aloysius, seu Ludovicus Vasta Præsident Provincialis Provinciæ Italiæ Ordinis Fratrum SS. Trinitatis Redemptionis Captivorum, quod cum per Constitutiones dicti Ordinis lib. primo Cap. 48. §. 14. indispensabiliter prohibeatur ne Religiosi aliorum Ordinum recipiantur, quemadmodum etiam experientia compertum sit, quantum præjudicii nonnullis ejusdem Provinciæ Conventibus Religiosos translatos in eos recipere allatum sit, in Capitulo Provinciali Provinciæ hujusmodi anno 1720. ordinatum decretumque fuit, ne impostum aliquis Religiosus alterius Ordinis absque consensu totius Definitorii Provinciæ prædictæ ad habitum admitti, & recipi posset.

Per Constitutiones Ordinis veterum Religiosos aliorum Ordinum recipere absque consensu Definitorii Provincialis.

§. 2. Cum autem, sicut eadem Expositio subjungebat nonnulli Superiores tam Provinciales, quam locales ad instantias, & requisitiones personarum secularium, & ob alias particulares causas proponere, & in eorum Conventus aliquot Religiosos translatos recipere sibi licere existimaverint, ipse vero Josephus Aloysius, seu Ludovicus Præsident Provincialis, quo tam sibi, quam aliis futuris Superioribus memorati Ordinis hæc via omnino præcludatur, opportune in præmissis a nobis providere, & ut infra indulgeri summo opere desideret.

Quod tamen cum a nonnullis Superioribus non observaretur.

§. 3. Nos igitur Josephi Aloysii, seu Ludovici Præsidentis Provincialis votis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & Interdicti, aliisque Ecclesiasticis Sententiis, censuris, & penis a Jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes supplicationibus ejus nomine nobis super hoc humiliter porrectis inclinati, ut de cetero

Specialiter statuitur sub penis prout in Rubrica.

perpetuis

perpetuis futuris temporibus nec ipsi Josepho Aloysio, seu Ludovico Præsidenti Provinciali, neque alicui alteri Superiori cujuscunque gradus, seu conditionis existat sub quovis pretextu in Capitulo Provinciali, sive Conventuali memorata Provinciæ ullum cujuscunque alterius Ordinis Religiosum, etiam si sit dicti Ordinis Excalceatorum nuncupatorum, proponere, & in eadem Provinciâ, seu in aliquem Conventum sine expresso totius Definitorii Provincialis legitime congregati unanimi in scriptis præfesto consensu sub excommunicationis, ac privationis eorum officiorum, & inhabilitationis ad illa, ac vocis activæ, & passivæ poenis tam contra recipientes, quam receptos, ipso facto incurrendis recipere ullo modo liceat auctoritate Apostolica tenore præsentium decernimus, statuimus, & declaramus.

Sicque in perpetuum servari, ac judicari præcipitur.

§. 4. Decernentes pariter easdem præfentes literas semper firmas, validas, & efficaces existere, & fore, suosque plenarios, & integros effectus fortiri, & obtinere, & ab illis ad quos spectat, & pro tempore quodcumque spectabit inviolabiliter observari, sicque in præmissis per quoscunque Judices ordinarios, & delegatos, etiam Causarum Palatii Apostolici Auditores judicari, & diffiniri debere, ac irritum, & inane si secus super his a quoquam quavis auctoritate scienter, vel ignoranter contigerit attentari.

Obstantium derogatio.

§. 5. Non obstantibus Constitutionibus, & Ordinationibus Apostolicis, ac quibuscunque, etiam Juramento, Confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores, præsentibus pro plene, & sufficienter expressis, & ad verbum insertis habentes, illis alias in suo robore permanentis ad præmissorum effectum hac vice dumtaxat specialiter, & expresse derogamus, ceterisque contrariis quibuscunque.

Dat. die 4. Julii 1735. An. V.

Datum Romæ apud S. Mariam Majorem sub Annulo Piscatoris die 4. Julii 1735. Pont. nostri Anno V.

F. Card. Oliverius.

CLIX.

In Ratiocinatores Cameræ Apostolicæ, assumuntur tres legum periti e Procuratorum Collegio cum aliis ordinationibus pro recta ejusdem Cameræ, ac rerum ad eam spectantium administratione.

CLEMENS EPISCOPUS,

Servus Servorum Dei. Ad perpetuam rei memoriam.

Exordium.

§. 1. AD circumspexam Romani Pontificis providentiam pertinet non solum Dominici Gregis sibi divinitus commissi custodiæ, & saluti jugiter invigilare, verum ad rectam quoque administrationem Pontificii Æarii, unde continua pro tuitione Ecclesiasticæ Ditionis, atque communibus etiam Christianæ Reipublicæ necessitatibus subsidia depromuntur, mentis suæ aciem convertere, ac ex eis, quæ olim per suos Prædecessores in eum finem prudenter quidem præscripta, ac instituta fuerunt, ipsa subinde rerum experientia suadente, & rationabilibus ex causis, quibus præsertim feliciori ejusdem Æarii dispensationi consulitur, aliqua interdum moderari, & immutare, aliasque in his Apostolicæ suæ sollicitudinis partes interponere, sicut in Domino magis expedire arbitrat.

§. 2. Itaque Nos ab ipsis Pontificatus nostri primordiis serio considerantes, quod jam inde perspectum habueramus, cum in minoribus constituti, Thesaurarii Generalis Cam. Ap. munere perfungebamur, eidem nimirum Cameræ Apostolicæ conducibile, ac proficuum fore, si ad Officia Ratiocinatorum ipsius Cameræ, quæ peritis in Computis, seu Rationibus conficiendis per Romanos Pontifices Prædecessores nostros eatenus conferri consueverant, & novissime a dilectis filiis Joanne Baptista Leonori Joanne Antonio Tartaglia, ac Eustachio Mauri omni ceteroquin fide, & probitate gerebantur, in posterum assumerentur Viri legum scientia præditi, ac in rebus, & controversiis forensibus Romanæ Curie inprimis versati, utpote quibus longe facilius redderetur publica Instrumenta Locationum, Appaltuum, officium, aliorumque Contractuum Cameralium pro tempore, ineundorum, eorumque Capitula, pacta, & conventiones ordinate, & qua par est, perspicuitate ad mentem Contrahentium componere, ac Tabellas, quæ, ut moris est, ipsis Instrumentis adjunguntur, ad rectam, justamque methodum, & œconomiz regulam disporre, necnon documenta, & probationes ad expeditam Litium Cameralium definitionem conferrentia, ex Libris, & Scripturis pœnes eos ratione dictorum Officiorum existentibus desumere, ac ipsius Cameræ Defensoribus subministrare: In quibus præcipua eorundem Ratiocinatorum sollicitudo hæcenus consistere debuit. Ac insuper attendentes per istiusmodi Viros doctrinam, ac longo negotiorum forensium usu præstantes cumulatus expletum iri, quæ pro salubri Cameræ præfata regimine inferius statuenda, atque injungenda duximus, quin id eis impedimento foret, quo minus minoribus, & subalternis curis eandem Cameram concernentibus etiam vacare, maxime vero Libros Computorum, aliaque rem Rationariam spectantia assueta aliorum Ministrorum opera probe ordinare valerent; Et propterea quod animo conceperamus, diuque mente agitaveramus, pro majori prædictæ Cameræ utilitate, arque commoditate ad effectum perducere, ac perficere volentes, habita prius ea super re cum aliquot Venerabilibus Fratribus nostris Sanctæ Romanæ Ecclesiæ Cardinalibus, ac præsertim Annibale Albano, Episcopo Sabinen., Cardinale S. Clementis nuncupato, nostro, ac ipsius Sanctæ Romanæ Ecclesiæ Camerario matura deliberatione, auditisque dilectis filiis Magistro Carolo Maria Sacripante moderno Thesaurario Generali, nonnullisque aliis Ministris, & Officialibus ejusdem Cameræ, per Schedulam Motus proprii die XXVII. mensis Aprilis proxime præteriti propria manu nostra signatam, inter alia, memoratos Joannem Baptistam Leonori, Joannem Antonium Tartaglia, & Eustachium Mauri a dictis Officiis Ratiocinatorum Cameræ prædictæ, eorumque exercitio, titulo jubilationis, ut vocant, exemimus, & absolvimus, ac in illorum locum quoad Officia, & exercitium hujusmodi dilectos quoque filios Philippum Boschetum, Joannem Franciscum Marcum, & Joannem Julianum Rubini e Collegio Procuratorum, seu Patronorum Causarum Palatii nostri Apostolici assumptos, & electos subrogavimus, & deputavimus sub nomine, seu appellatione Superintendentium Computatorii Cameralibus, statuentes, ut his quodcumque decedentibus, seu alicui eorum decedenti, alii de eodem Collegio per Nos & Romanos Pontifices Successores nostros similiter eligendi itidem subrogarentur, sicque deinceps perpetuis futuris temporibus servaretur: Ac subinde per aliam similem Schedulam Motus proprii die 13. currentis mensis Julii manu quoque nostra signatam

Magis proficuum Cameræ Apostolicæ fore ducens ut ejus computa per Legum peritos administrantur;

tam